

勸告解文

Худ 1331

О таинствѣ  
св. покаянiя

Шкафъ III

Лехинъ  
1880

№ 119963 1834.

勸告解文

今天軀靈之得救全賴天主之寵恩初非恃己身之功德况人不第無功而且難免有過使所思應言所行稍一有過不論其

其怒俱

不能得救贖之恩蓋負罪與負債無異除積善行以期補償之外先須痛悔而望寬

Xyl  
1331

Muse W 19962 19342



免若不獲寬免終必受罪債之拖累以災  
罰而失其福樂幸聖教會設一告解機密  
克使有過者復於無過此真天主莫大之  
宏恩令陷於泥塗者得一自新之路則凡  
教眾豈可輕視此告解神功而暴棄自甘  
耶故告解者除平日自悔自責力滌前非  
之外於齋期內復當細思生平所犯之罪  
一一檢出記注憂恨痛苦視同仇敵之陷

害迨屆告解之期必須上堂親於天主前  
向神父將思言行已知未知之罪一一詳  
述矢定痛改勿有遺忘不可自恕尤不可  
羞愧懶惰不言至告解畢不得卽視爲無  
事當將所命補贖功課如持齋誦經等事  
一一真心實力奉行不得因循苟且方能  
得補贖之益蓋補贖者乃于悔罪後補行  
善功以贖罪也若視爲虛行故事輕忽不

介意則始因望赦罪而補贖今反因補贖不力而復加欺詭之罪矣豈不致前日告解神功並屬假意乎告解並無定數隨犯罪隨卽告解告解後凡罪惡須件件記定改除非惟不知及未犯之罪應加防戒其曾犯已改之失更宜留心蓋屢犯之途既熟而作惡之心易萌是以不知誤犯者其罪小而明知故犯者其罪大也比如愛酒

鬪狠貪淫好賭等事既已悔改切不可再蹈故轍不但不作其事且思鋤盡作此惡之根基並嚴究由此所生之災患不得再與此項人此類事此等地親近往來恐其見景心動不能自禁蓋人初必以惡事爲美乃爲之及受其害則悔無及矣况又有明知其事不可行而愛莫能捨者在神父前僞作改悔自謂可欺殊不知人固澈知

其詭詐而天主尤洞鑒其怙惡不悛之私  
則故犯之罪已非輕而欺詐之罰尤加重  
也如此雖日日告解盡屬虛文欺人而實  
自欺有何益乎

